


**AD. S.D.N.  
CLEMENTEM 8.  
PONT. OPT. ET  
MAX. ORATIO.  
HABITA CÙM...**

---

Giovanni Francesco Terzani  
Cremona





1035-26



XXXVII

TERZA.


A D S. D. N. <sup>AI</sup>  
CLEMENTEM VIII.  
PONT. OPT. ET MAX.  
O R A T I O.

Habita cùm eidem nomine A L P H O N S I II.  
Eſtenſis Ducis Ferrariæ Sereniſſimi.

*Obedientiam præſtaret Illuſtriſſimus & Excellentiſſimus  
Caſar Eſtenſis Marchio Monticuli, & eiuſdem  
Ducis patruſis.*

A Io. Franciſco Terzanio Cremona I. C. Ferrarienſi.

Pridie Idus Maij M D XCII.



SVPERIORVM. PERMISSV.

ROMAE, Ex Typographia Aloyſij Zannetti.  
M D XCII.

*Impenſis Octaviani Gabrieli.*

A D S D N

# CLEMEN TEM

PONT OPT ET MAX

O R A T I O

Habita cum eidem nomine A L P H O N S I I I  
Essentia Ducis Portus Securitatis

Obsequium propter illustriam & Excellentissimam  
Caesar Augusti decessum & eiusque  
Duci gratias

A Io. Francisco Tetzlino-Cremone I. C. Ferrariensi

Publici Iurisperiti M D X C I I



109526  
SUPERIORI PER MISSI

R O M A E, Ex Typographia Alojii Zamboni  
M D X C I I

typogr. Officium Zamboni



# ORATIO.



**Q**UOD semel atque iterum ego omni studio contendi cum Serenissimus Princeps meus Alphonsus II. Estensis Dux Ferrariae inclitus ad hoc idem obeundum munus gravissimum huc me legavit, Pater Beatissime, Confessus Illustrissime, & Sapientissime, illud existimaui hoc tempore parcissime faciendum mihi esse; Laudavi etenim conquisito in hoc undecunque pro modulo ingenij mei, & rerum apparatu, & verborum nitore aliquo, summos illos & maximos viros Sacrosanctae Dei Ecclesiae praefectos. Verumtamen satis bodie mihi, satis muneris mei rationi fecero, si nudis saltem & simplicibus verbis ipsam, Pater Beatissime, habitam de te diuinitus electionem exposuero; Ornari ipsa extrinsecus negat tam grauis, tam illustris, tam absoluta. Orabat supplex Christiana Respublica effusus cum pijs lachrymis ad Deum Optimum Maximum precibus, ut summis in omni Virtutum genere Pontificibus Urbano VII. Gregorio XIII. & Innocentio IX. qui Christiano orbi quasi totidem Soles ostensi in ipso ferè ortu occiderunt, vnus tandem ex amplissimo hoc atque illustrissimo orbis terrarum Senatu sufficeretur Pontifex, quo longioris vitae spatio diuinas perpurgati animi exercente Virtutes, Christiana ipsa Sacrosancta Ecclesia tot orbata luminibus releuaretur, atque recrearetur. Mentis equidem dotes excelsae & supremæ illum maximè decet præ cæteris, unde religiosum optimi & immortalis Dei cultum petunt cæteri, illum, ad cuius præscriptum omnes vitam conformant suam, illum, à quo vno derivanda est in cunctos felicitas; nam eas sacrarum rerum Principi si dempseris languent optimi ordines, maxima quæquæ dilabuntur, & flaccescit, ac tandem res concidit publica. Sed è admirandum & felicissimum eveniù, hæc & consimilia piissima Christianorù societate animis suis & votis concipiente, è regione humanus sensus humanos præferens affectus omnia more suo inquirebāt, moliebatur diffiniēbat; in fausta et infelicia iactabat omina; electionē supremi vniuersæ Ecclesiæ capitis à bonis supraquàm dici possei expetitā omnino dissevendam, atque etiam in annos protrahendā. Quando ecce paucissimis post diebus ex quò Patres se Cœclauī cōmisissent, vniuersus ipsorù ordo tot nominibus illustrissimus & sapiētissimus certatibus suffragijs, & quodā veluti rebeamenti confluxu Hyppolitum Aldobrandinū titulo Sancti Pancratij Cardinalem,



nihil minus expectantem, quin etiam, dicam id quod est, reluctanter & inuitum, & Christianæ pietatis atque humilitatis mira dantem documenta, Pontificem salutauit & adorauit. O Pontificem quem fecit Dominus, exultemus & letemur de illo, Vere hodie Catholica Ecclesia inuocasti Dominum, & ipse te exaudivit, clamasti & ipse dixit, ecce adsum. Iam profecto nullus compos mentis & consilij dubitare iure potest Immortalis ac Præpotentis rerum omnium effectoris, atque administratoris nutu & providentia, quicquid humanaratio ac voluntas contenderit ac repugnauerit, Cardinalem Aldobrandinum Principis Apostolorum successorem, omnium gentium parentem, & maximum Christianæ religionis interpretem creaturæ esse. Vetus est sapientum verbum, Ex bonis boni, ex fortibus sortes; quod ipsa veritate diuina comprobatum est, Ex fructu dignoscitur arbor, bona facit fructus bonos. Ex bono & forti Syluestro Aldobrandino boni & fortes filij, hunc ille singulari morum probitate, & bonarum scientiarum cognitione; fortis qui excelsio & æquissimo animo aduersa pertulit, & ardua aggressus labore improbo omnia viciit; Grauiissimus propterea & vere eruditissimus Iurisconsultus, græcarum etiam latinarumque litterarum admodum peritus, iactatus licet grauioribus humanarum perturbationum fluctibus, plena omnis eruditionis edidit monumenta & vir consilio prudentiaque plane singulari in tota Italia summa fuit gratia, & auctoritate, tum apud amplissimum Rauenne Cardinalem Benedictum Accoltum, & Serenissimum Guidobaldum Urbini Ducem, tum vero Hipolitum Estensem excelsæ mentis Cardinalem & Principem, eiusque Serenissimum fratrem inuictum Herculem secundum Ducem Ferrariæ; qua in Ciuitate Syluester cum ingenti Ferrariensium letitia peramater exceptus varia Iurisprudentiæ officia magna cum gloria aliquot annis gessit. Longe acceptus fuit summis Pontificibus Paulo III. & IV. ab illo in Advocatorum Cõsistorialium celeberrimum Collegium delatus est, apud hunc non modo functus est munere Delictoris litterarum supplicum tam gratiæ quam, sicut dicunt, insitiæ, Referendarium dicunt utriusque signaturæ, sed eiusdem ab intimis epistolis & secretis fuit, magnorum etiam negotiorum & consiliorum particeps & adminisler, & in summa ob insignem ipsius integritatem, prudentiam, & doctrinam in gubernanda ditione Ecclesiastica ad omnia grauissima est adhibitus. Boni & fortes ex Patre bono & forti prodierunt filij, Petrus, Ioannes, Thomas, Bernardus, Hyppolitus; O Virtutis in animis nobiliem inditum semen, O mirum gloriæ desiderium; fuerunt plerique omnes græcis ac latinis litteris, atque in primis Iurisprudentiæ ac Philosophiæ præclaris disciplinis ornatissimi, sed Ioannes Iuris utriusque Cõsultus præclarissimus Auditor Rotæ, ut vocant, Romanæ Curie iudicia iustissime prudentissimeque exercuit; & ab Pio Quinto illo Sanctæ & immortalis memoriæ Pontifice, cuius etiam Thomas domesticus Secretarius fuit, Purpuratorum ordini cum incredibili bonorum omnium letitia insertus, ad præclaram omnium ornamentorum

peruenit laudem; summamque obtinuit inter eos locum; qui abditos conscientia serupos peculiari potestate solvunt, ac saluari poenitentia abluunt sordes criminum, Poenitentiarius summus is est. Te vero Pontifex Optime & Maxime alto Dei consilio supremus manebat in terris bonos; nam Patris, Fratrisque vestigijs insistens, & eisdem laborum atque honorum passibus iter humanarum actionum ingrediens, non modo eos consecutus es, sed Deo ipso duce tanto praecurristi quanto longius hic maiestatis apex omnibus antecellit; Tu etenim quam mortales ceteri sequuntur eam iam pene manibus apprehensam tenes immortalitatem. Quod honorum omnium longe maximam Christianus piorum hominum catus secundum Dei clementissimi bonitatem acceptum refert singulari tuae pietati, & prudentiae, & vigilantiae, quas eximias virtutes tecum à natura tulisti, & continua morum exercitatione diligentissime excoluisti; omni quidem vita, sed praesertim Auditor Romanae Curiae, Cardinalis Amplissimus, Poenitentiarius summus, & ad Regem Polonorum à latere Legatus; quibus maximis te ornauit honoribus Pontifex Maximus, & vehementis ingenij acie maxime pollens Sixtus Quintus; illudque praeceteris summa laude de te circumfertur, auersatum te semper fuisse humanas scientias quae non cum Christiana pietate congruere & convenire videantur, rectissime quidem, nam ex sanctissimis & doctissimis Patribus aperte licet intelligere quae monstra generauerint Philosophorum opiniones à Religione, cuius tu hodie solus es & maximus interpretes, abhorrentes, Iure itaque optimo hunc amplissimum gradum, Pontificiamque dignitatem tuis meritis ac magnis virtutibus datam esse omnes consentient; persuasumque habent omnes Deum Clementissimum miseris hisce periculisque temporibus ad bene de omni Christiana Reipublica sperandum Te quasi signum aliquod singulari beneficio sustulisse. Illusterrimi atque Optimi Patres ipse attingi, immo potius per capita quasi adumbrati eius, quem vos ad Pontificatus Maximi culmen prudentissime assumpsistis ornamenta; quando cum sermo est de summis vestri ordinis hominibus, quorum absoluta virtus non nisi quod arduum est & perfectum spectat, indecorum est in singulis immorari. Iam vero in hac ipsa communione omnium & praecipua Principum Christianorum gratulatione Alphonsus I I. Estensis Dux Ferrariae Serenissimus ne cui quidem alij partes concessit primas; Ita saue decuit Principem Catholicae Ecclesiae cum primis deincepsimum, siue ipsum tota vita spectemus, siue nobilissimum, & continuato tot seculorum cursu antiquissimam Avorum suorum seriem, siue populos & subiectas sibi vrbes. Accedit Pontifex Optime & Maxime quod tuus cum sit quaquaversum omnis terrarum orbis, & praesertim omne Christianum Solum tua est praecipuis rationibus vrbs Ferraria; Parentis scilicet tui optimi incundum domicilium, Charissimorum fratrum honestum Museum, & infantiae tuae dulce solatium vix prius quam Ferrariense aliud attingisti solum, alium attraxisti spiritum, aliud aspexisti cœlum; sicut non potes tui ita nec Ferrariae

*riæ tuæ quæ te gloriatur alumno obliuisci; quid enim prohibet asseuerare Ferrariam Pontificatus tui quasi basim collocauisse? Ipsa s. Parenti tuo, cuius præclaram animi bonitatem & vim mirum sanè in modum excitauit, ad omnes copias, atq. ad omnes honores gradum fecit; Ipsa fratrum tuorum quorum alij alio scientiarum genere delectati sunt exercuit, excoluitq. ingenia, atq. illis, quos ipsa pariter Ferrariensis Accademia egregijs Inuconsultorum Insulis decorauit, ad amplissimas dignitates iter aperuit; Ipsa te Pontifex Optime & Maxime excepit sinu penè infantem, tibi q. cum lacte optimarum artium sucum effudit; Omnium quidem altissimum Aldobrandinæ familiæ hodie erectum conspiciamus ædificium, sed eius altius suffossia olim fuerunt à Ferrariensibus, & eorum Ducibus fundamenta. Agnouisse hæc uisus est amplissimus Parens tuus quadam grati animi significatione, qui cum uel in Serenissimi Herculis II. Ducis Ferrariæ, uel in ipsius Ferrariæ urbis mentionem incideret, consueuit familiaribus alloquijs & disertissimis suis scriptis illum cum maxima honoris præstatione Ducem suum, hanc inclutam totius Italiæ Ciuitatem nuncupare; quam & Petrus frater tuus clarissimus Iuriconsultus, Advocatus Consistorialis, doctissimūq. Auum tuū Petrum nomine & doctrinam referens, elegantissimo Iuris opere quod in publicum dedit, bonarum artium altricem Ciuitatem appellat. Quibus causis omnibus Alphonsum Ducem valde commouentibus, dici non potest quanta alacritate, quam obedientiam & fidem erga Sanctissimam hanc sedem more maiorum, & perenni constantis animi uoluntate puram atq. illibatam hæcenus seruauit, eam Sanctitati Tux hodie deferat. Desert autem quanta potest maxima reuerentia per hunc Illustrissimum & Excellentissimum Monticuli Marchionem Casarem Estensem Patruelem & Oratorem suum, Principem tanta legatione dignissimum, Alphonsū quippe præter sanguinis rationem, fide, & obseruantia coniunctissimum, & tibi Pater Sanctissime propria mentis inductione maximè omnium deditissimum. Alphonsus quæcumq. charissima & maxima habet, ea tibi deuouet & consecrat uniuersa, Vrbes, Populos, Imperium, Vitam, Spiritum quem ducis suum. Tu Pater Sanctissimo pro innata tua clementia benigno illum fauore complectere, protege, soue. clemens natus es & clemens uixisti, nec prius esse desisti, quam terræ possessionem adeptus fuisti; Beati mites quoniam ipsi possidebunt terram; Nam præclarissimum clementiæ nomen quicquid prudentiæ cancellis, quicquid fortitudinis ac temperantiæ finibus, quicquid iustitiæ charitatisq. terminis continetur, excelsa quadam & admirabili ratione complectitur. Quod unum superest Alphonsus & cum eo pij ac boni omnes valde optant, quod & valde sperant, production tibi longissimæ uitæ cursum; Vt quod rectè facis quàm diutissime facias, Digna enim facis Pontifice Clemente Octauo, Quem propitiis in omne æuum respiciat.*

**DEVS OPTIMVS MAXIMVS.**

ANTONIVS BVCCAPADVLIVS  
SECRETARIVS APOSTOLICVS

DOMESTICVS.

*Ipsius summi Pontificis nomine in hac verba respondit.*



Ræclare intelligit Sanctissimus D.N. multa potuif  
se dici quæ silentio sunt præterita, de Alphonfi  
Ferrariæ Ducis prudentia, magnificentia, ma-  
gnanimitate, & cum cæterarum virtutum præ-  
stantia, tum quod huius actionis proprium est,  
pietatis laude, in sanctæ, atq; Apostolicæ Sedis au-  
thoritate, hac tam illustri legatione, & obediētæ  
testificatione veneranda. Sed agnoscit illius modestiam singularem,  
qui hoc ipsum vix est passus attingi, cætera maluit in existimatione  
relinqui, quàm in oratione poni. Quod de se itidem factum vellet  
S. D. N. Ipse verò semper eximias illius virtutes perspectas habuit,  
ac plurimi fecit, facietque. Nunc obedientiam accipit animo liben-  
tissimo vnâ cum his Venerabilibus fratribus suis S. R. E. Cardinali-  
bus Sic autem confirmat, quæcunque potest filius optimus sibi pol-  
liceri à parente amantissimo, fore semper illi à separatissima.

F I N I S.







